

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNO TUŽILAŠTVO/KANTONALNO TUŽITELJSTVO
T R A V N I K**

Broj: T06 0 KT 0032807 23

Travnik, 23.04.2025. godine

KANTONALNOM SUDU NOVI TRAVNIK

-Sudiji za prethodno saslušanje-

Na temelju odredbe člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine, podižem

OPTUŽNICU

Potvrđena dana 08.05.2025. godine

Protiv: Stjepana Ljoljo

Što je:

1. Dana 20.03.2023.godine oko 21:30 sati u mjestu Resnik, općina Kreševo, dok je boravio u ugostiteljskom objektu caffe bar „Protect- Prom“ u sklopu benzinske pumpe „Protect- Prom II“, vlasništvo T.I., grubim vrijeđanjem, te naročito drskim ponašanjem i nasiljem prema drugome ugrozio građanski mir prisutnih osoba koje su se u tom trenutku nalazile u objektu i to S. M., I. F., S. F., I. T., D.T., B. K., K. I., G. I. i M. B., na način da nakon što je ušao u objekat i prišao stolu za kojim se nalazio G. I. u društvu sa zaposlenicom u objektu oštećenom S.M., zatražio od njih da sjedne za njihov stol, a što mu nisu dopustili, znajući da se radi o osobi sklonoj nasilju, sjeo za slobodan stol i verbalno vrijeđao oštećenu S.M. riječima „što se šepuriš majku ti jebem kurvo, nećeš se glave nanosati“, pa kada je pored njihovog stola prolazio oštećeni I. F., obratio mu se riječima, „evo balije“, što je ponovio više puta, da bi u jednom trenutku prišao oštećenoj S.M, snažno je objema rukama stisnuo oko vrata te je bacio na pod, držeći istovremeno u ruci čakiju na preklop obraćajući joj se riječima „sad ću ti ja presuditi ili ću te udaviti ili zaklati“, svjestan da grubim vrijeđanjem, te naročito drskim ponašanjem i nasiljem prema drugome ugrožava građanski mir prisutnih osoba i htijući to, usljed čega je oštećena S.M. zadobila lake tjelesne povrede u predjelu obe strane vrata, horizontalno položene nagnječine sa površnim ekzorijacijama, izraženije lijevo, odn. tentamen strangulationis (pokušaj davljenja).
2. Dana 20.03.2023.godine oko 21:30 sati u mjestu Resnik, općina Kreševo, dok je boravio u ugostiteljskom objektu caffe bar „Protect- Prom“ u sklopu benzinske pumpe „Protect- Prom II“, vlasništvo T.I., nakon što se prethodno nasilnički ponašao prema uposlenici u objektu S.M. zbog čega je navedena pozvala u pomoć

oštećenog I. F. koji joj je pritekao u pomoć tako što je krenuo prema Stjepanu Ljolji sa barskom visokom stolicom u rukama u namjeri da ga spriječi da povrijedi oštećenu S.M., u šta su se uključili i drugi gosti u objektu, odmaknuo se od oštećene S. M., uzeo stolicu i fizički nasrnuo na oštećenog I. F. koji je prilazio, nakon čega je došlo do udarca stolicom u stolicu i njihovog ispadanja iz ruku, kada se Stjepan Ljoljo prilikom povlačenja unazad spotakao i pao na pod, dok je I. istom prišao i saseo se u namjeri da ga savlada i rukama uhvati za prsa da ga zadrži na podu, u kom trenutku je Stjepan Ljoljo držeći u ruci čakiju sa oštricom dužine oko 9 cm, zamahnuo u pravcu desne strane vrata oštećenog Irhada Fazlibašića, svjestan da zbog blizine tijela oštećenog koristeći čakiju dužine oštrice oko 9 cm i nanošenjem povrede u predjelu vrata kao vitalnog dijela tijela oštećenog može nanijeti povrede opasne po život i pristajući na to, na koji način je oštećenom nanio laku tjelesnu povredu u vidu rezne rane na desnoj strani vrata dužine 5-6 cm, širine 1,5 cm, poslije čega je, dok je i dalje držao čakiju u ruci, u daljem nanošenju povreda spriječen tako što su ih ostali prisutni gosti fizički razdvojili.

Dakle, grubim vrijeđanjem i naročito drskim ponašanjem i nasiljem prema drugome ugrozio građanski mir, pri čemu je jedna osoba lako tjelesno ozlijeđena, dok je jednu osobu s namjerom pokušao usmrtiti

Čime da je počinio, krivično djelo Ubistvo u pokušaju iz člana 166 stav 1 u vezi sa članom 28 KZ F BiH u odnosu na oštećenog I.F. u sticaju sa krivičnim djelom Nasilničko ponašanje iz člana 362 stav 2 u vezi sa stavom 1 KZ F BiH u odnosu na oštećenu S. M.

Zbog svega navedenog tužilaštvo predlaže, a nakon što se okonča dokazni postupak na osnovu člana 78. stav 1. KZ F BiH privremeno oduzeta čakija – preklopni nož, kao sredstvo izvršenja krivičnog djela trajno oduzme od osumnjičenoga kao i da se na osnovu člana 202. stav 1. ZKP FBiH osumnjičeni obaveže na snošenje troškova krivičnog postupka.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.